



Fernand ETGEN  
President vun der  
Deputéiertechamber  
19, um Krautmaart  
L-1728 Lëtzebuerg

Lëtzebuerg, den 10/11/2020

**Här President,**

**Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir Aarbecht weiderzeleeden.**

D'Adem mellt an hirem Rapport zum Mount September, dass 3258 Mënsche mat engem Statut spécifique bei hinnen als demandeurs d'emploi ageschriwwen sinn. Dovun 1651 Persounen, déi als Salariés handicapés oder als Salariés handicapés et à capacité de travail réduite ageschriwwen sinn.

An deem Zesammenhang wéilt ech dem Minister dës Froe stellen:

1. Zu Lëtzebuerg musse 5% vun de Posten am öffentlichen Déngscht vu Persoune mat engem Statut de salarié handicapé besat ginn.

Sinn déi 5% vu Salariés handicapés am öffentlichen Déngscht iwwerall erfüllt? Falls net, firwat net?

2. Och fir de privat Secteur ginn et Virgaben. Esou muss zum Beispill eng Firma mat méi wéi 300 Mataarbechter 4% vun hire Poste mat Persoune mat engem Statut de salarié handicapé besetzen. Falls een Employeur d'Quot net erfüllt, muss hien dem Staat 50% vum Mindestloun vun engem Employé iwwerweisen.

- Wéi vill privat Betriber halen sech net un déi Gesetzlech festgeluechte Quoten?
- Wéi vill Employeuren hunn dës Strof respektiv dësen Ausgläich dëst Joer schonn un de Staat bezuelt? Muss dës Montant eemol am Mount oder eemol am Joer un de Staat iwwerweisen ginn?
- Wat fir Moossname gesäit de Staat fir, fir d'Betriber zum Anhale vun de Quoten ze motivéieren?



Mat déiwem Respekt,

A handwritten signature in black ink, consisting of a large, sweeping initial 'C' followed by a smaller 'L' and a horizontal line extending to the right.

CLEMENT Sven  
Député



[www.piraten.lu](http://www.piraten.lu)